

Bill 6

Government Bill

3rd Session, 39th Legislature,
Manitoba,
57 Elizabeth II, 2008

BILL 6

WAABANONG NAKE
ANISHINAABE AKIIN INAAKONIGENG ZHIGO
GAA GANAWENJIGAADEGIN AYAAWINAN ONASHOWEWIN

Honourable Mr. Struthers

First Reading /
Second Reading /
Committee /
Concurrence and Third Reading /
Royal Assent /

GEGOON GAA WIINJIGAADEG

Owe onashowe mazina'igan gaa inising oga aabajitoonaawaa Anishinaabeg zhigo Anishinaabe Ayaawinan imaa onji nake Waabanong Nake Gichi Zaaga'igan ji dazhiikigewaad akiing gaye nanaadok gashkichigewin inakonigeng imaa Ogimaawi akiing gagii bi aapajitoowaad ji onji bimaajiwowaad.

Anishinaabe bimaaji'owin da inijigaade giishpin Anishinaabeg gemaa Anishinaabe ayaawin andawendang. Da ayaawag awiyag ji onji ozhitoowaad gashkichigewin inakonigan ji wiji'igowaad ini inendamowinan onji aki zhigo nanaadok gashkichigewin imaa gaa inakonigeng ayaawin.

Giishpin zhaabosek gashkichigewin gaa inakonigeng, da ayaamaganoon onashowewinan ji zhaabosegin izhi gashkichigewin. Ono onashowewinan da biminizha'igaadewan imaa gaa izhi inakonigeng dashkoo ji mamakii'iweng, ji biminigaadek aki dago nanaadok gegoonan gaa ondinigaadegin akiing, ji sanagisek gegoon imaa ji ozhijigaadek zhigo ji inadek gegoon aaniin ge izhi aabajichigaadek aki, nanaadok gashkichigewin zhigo gaa izhi bimisegin gegoonan imaa gaa gashkichigeng ayaawining.

Owe onashoow mazina'igan gaye inanade imaa Ogimaawi aki onji Waabanong Neke I Gichi zaaga'igan weweni ji ganawenjigaadegin ayaawinan. Onashowewinan da inatewan ji ganawenjigaadek aki dago gegoonan imaa gaa ondinigaadegin akiing izhi weweni ganawenjigaadek ayaawin. Ini onashowewinan daa zanagise gemaa da gibijise gegoon ji ozhichigaadek imaa gemaa bakaan gegoon ji ayaamagak imaa.

WAABANONG INAKE ANISHINAABE AKIIN INAAKONIGENG ZHIGO WEWENI GAA GANAWENJIGAADEGIN AYAAWINAN ONASHOWEWIN

GAA INISINGIN

E inising

PART 1

Niigaan Gegoonan

1 wijiigaadegin

2 wegonen onji

PART 2

AKI GAA ABAK ZHIGO NANAADOK

INAAKONIGEWIN

3 Andawenjigaade ji ayaamagak ge izhi inakonigeng ayaawin

- 4 Ji gagiiginigaadeg gaa wii inaakonigeng ayaawin
- 5 Manaajjigewinan zhigo gibishkigewinan
- 6 Gakina awiya ji noodang zhigo anakoojigewin
- 7 Inendamowinan gaa inaakonigeng gegoonan
- 8 Ji anokiijigaadeg gashkichigewin inaakonigan
- 9 Ji zhaabosek gashkichigewin inaakonigan
- 10 Zhaabosemagak zhigo nakoojigewinab
- 11 Gakina gegoon ji ganawaabanjigaadeg gaa inising imaa inaakonigewining
- 12 Onashowewin gaa inising ji izhisek
- 13 Ji anjising gashkichigewin inaakonigan
- 14 Ji zhaabosegin
- 15 Nanaadok gashkichigewinan gaa inaakonigewaad awiyag

Part 3

- 16 Weweni gaa ganwenjigaadegin ayaawinan
- 17 Gakina awiya ji wiijiwed

Part 4

Godagiyan izhichigewinan

- 18 Gakina awiya ozhibii'igan
- 19 Gaa mizhowong gaye diba'igewin
- 20 Ogimaawi izhichigewin
- 21 Gagedewin onji onashowewin
- 22 Gaawin wiin ini gaa izhi miinigoowizid awiya ji bimiseningin imaa
- 23 Inaakonigewin ji waabandang gakina awiya
- 24 Onashowewin
- 25 Gagedewin onji onashowewin
- 26 C.C.S.M reference
- 27 Ji biminizha'igaadek

Ngodwaaso Onashowewin Mazina'igan
Waabanong nake Anishinaabe akiin izhichigewin zhigo ga
ganawenjigaadegin ayaawinan onaakonigewin (act)

Gichi Ogimaakwe, zhigo godagiyag imaa gaa onashowe awiyag Legislative Assembly of
Manitoba, gaa inising izhi:

Part 1
Niigaan gegoon

Ji gikenjigaadegin e inategin
Onowe onashowe mazina'igan izhisinoon.

Ogimaawi aki inachigaade Ogimaawi akiin e onjiimagak imaa Ogimaawi Akiin
onashowewin

Ogimaawiwini aabajichiganan inisinoon iniwe imaa akiing gaa ondinigaadegin gegoonan
e ganawaabanjigaadegin gaye e bismisegin onji Ogimaawiwini onji izhichigewin onji
Manitooba.

Waabanong inake gashkichigewin onji inate imaa onji ayaawiining waabanong neke
Gichi zaaga'iganin e onashowaadeg imaa onji gaa inising niizhtana niwini (a).

Anishinaabeg inisin e maamawooniwaad e nising imaa Anishinaabe onaakonigewin
(Kaanaadaa).

Gashkichigewin inakonigan inisin ji aabajichigaadek iwe ogimaawi aki zhigo
gashkichigewinan onji Ogimaawiwini aabajichiganan imaa gaa izhi inakonigeng
ayaawin dash ji zhaabositood Lieutenant Governor in Council onji subsection 10(2).

Gaa niigaanagizod izhinikaazo awe gaa niigaanasaad Lieutenant Governor in Council ji zhaaboshkan iwe onashowewin.

Gaa inakonigeng ayaawin izhisin aki e gagiiginigaadek ji ayaagaadek ji aabajichigaadeg imaa gaa inakonigeng ayaawining onji section 4.

Gaa inakonigewaad awiyag inate e gii gagiikinindwaa ji dazhiikamowaad imaa section 7.

Gaa awiya odoozhii'igewin mazina'igan inate iwe gakina awiya ozhii'igan imaa section 18.

Gaa ganawenjigaadeg ayaawinan inate imaa ogimaawi aki e gagiiginigaadeg ji weweni ganawenjigaadeg imaa section 16.

Onji izhise

2 Ge onji ayaagaadeg onakonigewin

(a) ji gashkitoowaad Anishinaabeg zhigo Anishinaabeg ayaawinan imaa onji Waabanong neke Gichi zaaga'iganing ji onji aabajichigaadeg aki zhigo nanaadok gashkichigewin inakonigan ji gagiikinigaadegin ayaawinan onji ogimaawi aki gaa gii bi aabajitoowaad dago

(b) ji onisidoowaad gaa gagiiginamowaad ayaawin onji ogimaawi aki imaa waabanong neka Gichi zaaga'iganing ji weweni ganawenjigaadeg egaa gegoon imaa ji aabadak gaye bakaan gegoonan ji doojigaadegin imaa akiing.

Part 2
AKI GAA AABAJJIGAADeg ZHIGO NANAADOK INAAKONIGANAN
JI GAGIIGINIGAADegIN GAA GII BI AABAJICHIGAADegIN JI
INAAKONIGENG

E andawenjigaadeg onji maawizha gaa gii bi izhi aabajichigaadeg inaakonigeng ayaawin
3(1) Bezhig gemaa godagiyag Anishinaabeg gemaa Anishinaabe ayaawinan daa
gagedewag ogimaawi aki imaa waabanong nake gashkichigewin gaa ayaamagak gaa gii
bi izhi aabajitoowaad ji gagiiginigaadeg izhi aabajitoowaad ji inaakonigeng ayaawin.

Gaa izhi andawendamowaad

3(2) Bigo ji gagedewaad ji ozhibii'amowaawaad Gaa niigaanagizonid zhigo ji
(a) Ji inisingaadek aandi ezhi ayaanig iwe gaa andawenjigaadek inaakonige ayaawin.

(b) Ji wiinjigaadek aandi ge onjisek e onji wiijiweg iwe gaa andawendamowaad godak
Anishinaabeg gemaa anishinaabe ayaawinan gaa ayaawaad odakiiwaan imaa gaa izhi
gagedewaad inaakonigen ayaawining; zhigo

(c) Ji dagosigin bakaan gegoonan gemaa ozhibii'iganan onji onashowewin.

Gaa gagiiginigaadeg inaakoniganan ayaawinan

4(1) Odisigod iwe gaa andawenjigaadenig Gaa niigaanagizod, the Lieutenant Governor in
Council daa, onashowewin, ji gagiigining ayaawin izhi gaa gii bi aabajichigaadek iwe
inaakonigan ayaawin. Iwe ayaawin gaa gagiigising megizhaa gakina gemaa bangii eta
ayaawin gaa andawenjigaadek imaa section 3.

Gegonan onshowewinan

4(2) Bigo iwe onashowewin ji wiindang iwe ge izhi inaakonigaadeg ayaawin zhigo ji
inisingin ini imaa gaa akosing.

Aki gaa inaakonigeng ayaawinan

4(3) Aki daa dagosin eta imaa gaa inaakonigeng giishpin eta Ogimaawi aki egaa e
onjiimagak oidaanawesing gemaa imaa ogimaawiwining gaa akosing ayaawining gemaa
gaa gii inising gaa gagiiginigaadeg onji The Northern Affairs Act.

Manaajjigewinan zhigo gibishkigewinan

Onashowewinan

5(1) Gishpin gaa inaakonigeng ayaawin e gagiiginigaadeg, the Lieutenant Governor in
Council odaa onisidoonan ini onashowewinan izhi bezhig gemaa godakiin izhi

(a) gaa gagiiginigaadeg gemaa gaa inising Ogimaawiwiniin aki zhigo ogimaawiwiniin gaa
ondisegin akiing gegoonan imaa gaa inaakonigeng ayaawining

(b) gaa gibishkigaadegin, gaa zanagakin gemaa gaa inaakonigaadegin ji izhi bimisegin iwe Ogimaawiwin aki zhigo ogimaawiwin gegoonan gaa ondinigaadegin akiing imaa gaa inaakonige ayaawining

(c) Gaa gibishkigaadegin, gaa zanagakin gemaa gaa inaakonigaadegin ji izhi bimisegin gemaa nanaadok gegoonan gemaa gaa onji ozhijigaadegin imaa gaa izhi inaakonige ayaawining

(d) Gaa onjisek gegoon ge izhi izhisek ji gagiiginigaadeg, ji inising gemaa ji aabajichigaade Ogimaawiwin aki zhigo ogimaawiwing gaa onjisegin akiing gegoonan imaa gaa izhi inaakonigeng ayaawing zhigo gaa onising onji inaakonige ayaawin.

Onashowewin da izhise eta ako inaakonigeng izhisek
5(2) Onashowewin inate imaa subsection (1) eta izhise

(a) eta ako minik gashkijigewin inaakonigeng ji inaakonigeng ayaawining da izhise; gemaa

(b) giishpin onashowewin dagosing ji aabajichigaadeg iwe onashowewin e inising imaa giizisoo mazina'iganing gemaa ako giizisoo inagisod gemaa giizisoo inised iwe gashkichigewin inaakonigeng ji zhaabosek iwe gemaa bigo iwe gaa niigaanisek.

Inendamowinan izhi onashowewing

5(3) Megwaa onji onashowewing subsection (1) izhisek, bakaan gegoon inising ge onji ganawanjigaadeg manaajijigaadeg inising, gagiiginigaadeg gemaa aabajichigaadeg ogimaawiwin aki gaye ogimaawiwin gegoonan gaa onjiseg akiing imaa inaakonige ayaawining gemaa manaajijigaadeg gaa onjichigaadeg imaa inaakonige ayaawinign bigo bezhigon ji inising daashkoo onashowewin.

GAKINA AWIYA JI WAABANDANG GAYE JI WIIJIGED

Gakina Awiya ji noojidood mazina'igan

6(1) Bigo Gaa niiganagizod ji wiindamaaged

(a) ganage zhaangaso midina jibwaa gegoon dazhiikigaadeg onji inaakonigewin imaa section 4, ji gagiiginang imaa gaa onji gagedeng ji dashkikigaadeg gegoon;

(b) ganage zhaangaso midina jibwaa inaakosing imaa subsection 5(1) iwe ozhibii'igan gaa gii indawenjigaadeg ji ayaamagak ji waabanjigaadeg imaa gakina awiya ji waabandang ozhibii'igan.

Ozhibii'iganan

6(2) onji ngodwaaso giizhiganan ishkwaaw ozhibii'igan gii izhisek imaa subsection (1), bigo awiya da gii ozhibii'amowaan Gaa niigaanagizonid dash weweni ganawaabandang Iwe gaa gii izhi andawenjigaadeg gemaa iwe gaa andawenjigaadeg inaakonigewin.

Andawenjigaadeg ji nakwetaagok

6(3) Jibwaa inakonigewin imaa section 4 or 5, gaa niiganishkang ji

(a) ji miinaad Anishinaabe' zhigo Anishinaabe ayaawinan gaa gii bi aabajitoonid odakiiwaan imaa gaadanakamigak gemaa imaa gagagedeng ji danakamigak ji bizindang zhigo ji aankwedang iwe gaa gii izhi ganakamigak gemaa gaa wii izhi inakonigeng; zhigo

(b) ji bizindawindwaa ingi gaa gii abajitoowaad iwe ogimaawiwin aki gemaa ogimaawiwin gaa ondosegen gegoonan akiing imaa gaa wii izhi danakamigak gemaa iwe gaa izhi danakamigak ji naanagadawendang gemaa anikootang iwe gaa wii izhi danakamigak gemaa gaa wii izhi inakonigeng.

Inedamowinan

Inedamowinan imaa gadanakamigak nanaadok gegoonan

7(1) Gaa niigaanishkang, imaa onji ogimaawining, daa dago ayaa imaa inedamowining onji aki gaye nanaadok gashkijigewining gaa onji danakamigak onji Anishinaabeg gaye Anishinaabe ayaawinan gaa gii aabajitoowaad ge onji bimaajiwowaad aki imaa gaa danakamigiziwaad.

Gaadanakamigiziwaad awiyag

7(2) Inenddamowin imaa subsection (1) odaa onji ozhitoonaawaa iwe gaa danakamigiziwaad awiyag ji ozhisidoowaad nanaadok gegoonan imaa danakamigiziwining zhigo odaa doodaanaawaa bezhig gemaa godak izhijigewin:

- (a) gaa debendaagoziwaad imaa onji awiyag, gaye imaa onji gaa daziinowaad awiyag gaye gaa ayaawaad imaa odanokiiwiniwaang;
- (b) gaa anokiiwaad imaa ayaawag, gaye gaa gii asindwaa imaa gaa niigaanabiwaad, gaye gaa wiiyyaawaad gaa niigaanabinid.
- (c) ji ayaamagakin ji anisind imaa awiya gemaa ji zaagijiyind imaa onji awiyag zhigo ji asind imaa awiya gaa izhi dawaak imaa gaa izhi maamawoonong.
- (d) ge izhi bimisek gaye ge izhi inising onji gaa izhi maamawoonowaad

Ge izhi gashkijigemaagak danakamigiziwin

Inedamowin ge izhi bimisek gashkijige danakamigiziwin

8(1) Inedamowin imaa section 7 odaa bagidinaa odanakamigizii' ji ozhitoonid ge izhi abadaninik aki zhigo ge izhi ganawaabandamonid gegoonan gaa onjiimagak inikin imaa gaa izhi danakamigiziwaad

- (a) ji wiijiyaad ini gaa gashkijigewizinid, ji aabadininik gaye ji goyak bimisenik iwe ogimaawiwin odaki gaye ogimaawinin gegoonan gaa ondisegin akiing imaa gaa izhi danakamigiziiwining;
- (b) ji gekendamowiid aandi imaa gemaa ayaawinan imaa gaa izhi danakamigak zhigo ji wiindamaagewaad aaniin e izhi inaabadak ogimaawiwin aki gaye ogimaa wiwin gegonan gaa onjiimagakin akin gaa wii izhi bagidinamaageng, gaa izhi gibichigaadeg ngoji gemaa gaa izhi gibishkigaadeg ngoji gemaa imaa ayaawining.
- (c) Ji wiindang aaniin ge izhi goyakisigin gegoonan onji iwe gaa wii doojigaadek iwe danakamagiziwin; zhigo
- (d) Ji wiindang bakaan gegoonan imaa onji gaa danakamigiziwaad gegoon inendamowaad ji izhisenik.

Gaa niigaanagizod gaa izhi andawendan

8(2) Giishpin ingi gaa danakamigiziwaad bagidinindwaa ji ozhitoowaad iwe gashkijigewin odoodamowin, gaa niigaanagizod odaa inaa ini gaa danakamigizinid ji doodaminid iwe gemaa awashime bezhig gegoon;

- (a) ji andooshkamoonaad godagiya awiyya' onji gaa niigaanishkang;
- (b) ji andomaad gakina awiyya ji maamawoobinid onji iwe dazhiikigewin ezhi inigod gaa niiganagizonid;
- (c) ji beminizhayang e igod in gaa niiganagizonid onji iwe ozhibii'igan gemaa imaa gaa inisininik iwe dazhikingewin.
- (d) ji ayaawaad ini dazhiikigewinan giishpin andwendamonid in Gaa niigaanagid
- (e) ji biminizhayang ini gegoonan gaa izhi andawendang Gaa niigaanagizod onji iwe dazhiikigewin gaye ji atood imaa ji zhaabosenik.

Naanaagadawenjiganan

8(3) Ingiwe gaa dazhiikigewaad ji naanaagadawendamowaad ini giishpin ozhitoowaad iwe gashkijigewinini

- (a) ini imaa gegoonan gaa onjiimagakin akiing gaa izhi danakamigak
- (b) imaa akiikaang gaa onjisegin gegoonan ji naanaagadawendamowaad gaa izhi danakamigak
- (c) gaa aabajitoowaad ge onji bimaajiwowaad imaa danakamigiziing onji ingi Anishinaabeg gaye Anishinaabe ayaawinan;
- (d) initwaawin zhigo nanaadok gegoonan gaye gaa niigaanisigin, gaye ini gaa ganawenjigaadegin gaye ganawaabanjigaadegin ayaawinan imaa gaa danakamigak gaa onji anamiyaang, initwaawin, gemaa gegoon gaa onji moonayigaadek ji ganawenjigaadek
- (e) ji izhisegin Anishinaabe doojiganan gaye ango'idiwin imaa gaa izhi danakamigak
- (f) ge onji bimaajiwod awiyya ge andawendang
 - (i) Anishinaabeg gaye anishinaabe ayaawinan gaa gii bi aabajitoowaad odakiiwaan imaa gaa danakamigak
 - (ii) Gaa ayaawaad imaa awiyag gaa izhi dazhiikigen
 - (iii) Gakina gegoon daabishkoo iwe maanitooba gaa ayaamagak

- (g) gaa ayaamagak gaye gaa gii bagidinigaadek aki gaye gegoonan onji akiing zhigo gaa imaa gaa izhi danakamigak
- (h) giishpin izhi ganawaabanjigaadek, ayaamak iwe gaa izhi ganawenjigaadeg ayaawin imaa gaa izhi danakamigak
- (i) imaa daabishkoo maanitooba gaa ozhibii'igaadegin onji Gaa danakamigak onashowewin;
- (j) gaa ondisigowaad gegoon ingiwe gaa damakamigiziwaad onji gaa maamawoobing gemaa onji ingiwe gegoon gewiinawaa ikidowaad inigi gaa gashkijigewaad.

Ji aabajijigaadeg anishinaabe izhichigewin

8(4) Giishpin nanaagadawenjigaadeg imaa gaa inategin subsection (3), ingi gadanakamigiziwaad odaa aabajitoonaawaa iwe anishinaabe gaa gekendamowaad imaa gaa bezhigon gaa izhi bimisek.

Zhaabosemagak Gashkichigewin Inaakonigewin

Ji izhinizha'igaadeg iwe gaa wii inaakonigeng izhi awe gaa niigaanagizod

9(1) Giishpin ingiwe gaa inaakonigewaad gii giizhitoowaad iwe izhichigewin zhigo gaa wii doodamowaad iwe gashkichigewin, bigo ji izhinizha'igaaadek iwe gaa wii inaakonigeng gashkichigewin izhi gaa niigaanagizod.

Gakina awiya ji noondang

9(2) Ganage zhaangasomidina giizhiganoon jibwaa izhisek iwe gaa gagedeng imaa onji subsection 10(2) ji zhaabosek iwe gaa andawenjigaadeg gashkichigewin inaakonigan, gaa niigaanagizod bigo ji wiindang iwe gakina awiya onoojigan ji ayaamagak iwe gashkichigewin inaakonigewin imaa onji ji waabandamowaad gakina awiya ozhibii'igewining.

Ozhibii'iganan

9(3) Onji ngodwaaso midina giizhigoon ishkwaaw izhisek iwe noonjigan imaa subsection(2), bigo awiya daa ozhibii'amowaan gaa niiganagizonid e gichi inendang iwe gaa inisininik gashkichigewin inaakonigewin

Ji aanjisidood Gaa niigaanagizod

9(4) Gaa niigaanagizod odaa inaa ini gaa inaakonigenid ji anjidoonid iwe gaa izhi andawendamonid gashkijigan inaakonigewin jibwaa zhaabosenik imaa section 10.

Zhaabosek zhigo ji achigaadeg gaa izhi andawenjigaadek

10(1) Gaa niigaanagizod odaa izhinizhayaan iwe gaa izhi andawenjigaadeg gashkichigewin inaakonigewin izhi Lieutenant Governor in Council ji zhaabosenik eta ishkwaaw

- (a) Gakina Anishinaabeg gemaa Anishinaabe ayaawinan gaa gagwedaawaad ge izhi inakonigen ji ozhibii'amowaawaad gaa niigaanagizonid aaniin waa izhichigewaad; gaye
- (b) Gaa niigaanagizod ji miinaad ini Anishinaabe' gaye Anishinaabe ayaawinan gaa gii aabajitoonid ge onji bimaajiwonid aki imaa gaa onji inakonegen ji inendang gaye ji anakwetang iwe gaa izhi andawenjigaadeg gashkichigewin inakonigan.

Zhaabosek gashkichigewin inakonigeng

10(2) Lieutenant Governor in Council odaa, ji doojigaadeg, ji zhaabosek gaa andawenjigaadeg gashkichigewin inakonigan zhigo ji wiinjigaadek apii giizisoomazina'igan izhisek.

Gakina Inaashowaajiganan ji gaa wii izhi inakonigeng

11(1) Giishpin gashkichigewin inakonigan zhaabosek, bigo gegoon gaa izhi inendaagod imaa gaa izhi izhisek, disposition, gemaa gaa abadang Ogimaawiwin aki zhigo ogimaawiwin gaa onjisegin gegoonan akiing imaa gaa inakonigen zhigo bigo gegoon imaa inisek imaa gaa inakonigeng ji naanaagadawendamowaad iwe inakonigan.

Gaa izhisek ji zhaabosek

11(2) Gaa zhaabosek iwe gashkichigewin inakonigan egaa memech dinoo'ikaan inakonigan gemaa godak gaa andawenjigaadeg izhichigewin ji izhisek gemaa zhaabosek. Dash bakaan izhichigewin gemaa bakaan doodamowin izhisek imaa gaa inakonigeng bigo bezhigon ji ayaamagak daabishkoo iwe inakonigan.

Inakonigewin ji izhisek inakonigan

12(1) Lieutenant Governor in Council odaa ozhitoonan inakoniganan ji izhisek gashkichigewin inakonigan, ji dagosegin inakoniganan ji naanaagadawendang

- (a) ji ayaamak gemaa disposition ogimaawiwin aki zhigo ogimaawiwin gaa onjisegin akiing gegoonan imaa gaa izhi inakonigeng;
- (b) egaa ji zhaabosegin, ji sanagisegin gemaa gaa inisinging ji aabadak ogimaawiwin aki zhigo ogimaawiwin gaa ojiigin akiing gegoonan imaa gaa inakonigeng
- (c) egaa ji zhaabosegin, ji sanagisegin gemaa gaa inisinging imaa gaa inakonigeng gemaa aanind gegoonan gemaa nanaadok inakonigan imaa gaa izhi inakonigeng;
- (d) ji izhisek ge inising gegoonan onji gaa izhi bagidinigaadeg, gaa izhi inichigaadeg gemaa gaa abadak ogimaawiwin aki zhigo ogimaawiwin gaa onjisegin akiing gegoonan

Ji inising inakonigewin

12(2) Giishpin inakonigewin imaa inising subsection (1), bakaan inenjigewin imaa godagiing inakonigewining ji ganawaabajigaadeg gaa izhi bagidinigaadeg, gaa izhi inichigaadeg gemaa gaa aabadak ogimaawiwin aki zhigo ogimaawiwin gaa onjisegin

akiing gegoonan imaa inakonigeng gemaa ji ganawaabajigaadeg weweni imaa gaa izhi inakonigeng ji biminizha'igaadeg iwe inakonigan.

Gakina awiya ji noondang (public notice)

12(3) Ganage zhaangaso midina jibwaa inakonigewin ayaamagak imaa subsection(1), gaa niigaanagizod ji wiindand gakina awiya noojigan e ayaamagak mazina'igan onji gaa andawenjigaadeg inakonigewin e ayaamak ji waabanjigaadek imaa gakina awiya ozhibii'igewining.

Ozhibii'iganan

12(4) Ngoji ngodwaaso midina giizhigoon ishkwaaw izhisek iwe noonjigan imaa subsection(3), bigo awiya daa ozhibii'amowaan gaa niiganagizonid e inendang iwe gaa inisininik inakonigewin

Andawenjigaadeg ji nakwetaagok

12(5) Jibwaa inakonigewin ozhichigaadek imaa subsection (1) gaa niiganishkang ji Dawinamowaad Anishinaabe' zhigo Anishinaabe ayaawinan gaa gii bi aabajitoonid odakiiwaan imaa gaa inakonigeng ji aanakwedang zhigo ji nakwedang iwe gaa izhi andawenjigaadek inakonigewin

Anjjigaadek gashkichigewin inakonigan

Awenen ge anjidood anjjiganan

13(1) Anjjigewin onji gashkichigewin inakonigan daa onji gagwedem onji

- (a) gaa inakonigewaad awiyag
- (b) Anishinaabe gemaa anishinaabe ayaawiwini gaa gagedeg iweni gaa izhi dazhiikigeng ayaawin; gemaa
- (c) Gaa niigaanagizod.

Gaa gagedeng ji ikidong gegoon ini anjjiganan

13(2) Gaa niigaanagizod odaa inaa gaa inakonigenid awiya', Anishinaabe' gemaa onji Anishinaabe' ayaawining ji dazhiikaminid anjjigewin onji gashkichigewin inakonigan ji ayaanid gakina awiya maamawoobinid gemaa ji gageded awiya gegoon ji ikidod bakaan onji gaa niigaanagizod, daabishkoo imaa onji gaa gagakedeng anjjigan.

Gakina awiya onoojigan

13(3) Ganage minik zhaangaso midina jibwaa inakonigeng imaa section 14 zhaabosek iwe gaa andawenjigaadek anjjigewin imaa gashkichigewin inakonigan, gaa niigaanagizod bigo ji wiindamowaad gakina awiya e ayaamagak naabibii'igan onji gaa

andawenjigaadek anjijigan imaa e ayaamagak ji waabanjigaadek gakina awiya ozhibii'iganing.

Ozhibii'iganan

13(4) Onji ngodwaaso midina ishkwaaw wiinjigaadeg mazina'igan imaa subsection(3), bigo awiya daa ozhibii'amowaan gaa niigaanagizonid onji gaa andawendang anjijigan.

Gaa zhaabosegin andawenjiganan

14(1) Lieutenant Governor in Council odaa, ji izisenik, odaa zhaabonaan gaa andawenjigaadenik aanjijigewin iweni gashkichigewin inaakonigan

- (a) gakina anishinaabeg gemaa anishinaabe ayaawin gaa gii andawendang ji ayaad onji gaa inaaakonigenid egii miinaanid gaa niigaanagizonid gaa ozhibii'igaadenik anjijigan; zhigo
- (b) Gaa niigaanagizod ji dawinamowaad ini Anishinaabe' gaye Anishinaabe ayaawinan gaa gii aabajitoonid ge onji bimaajiwonid aki imaa gaa onji inaakonigan ji inendang gaye ji anakwetang iwe gaa izhi andawenjigaadeg gashkichigewin inaakonigan.

Giishpin egaa andawenjigaadeg ji zhaabosekAnishinaabeg gemaa anishinaabe ayaawin 14(2) Iwe gaa inising (1)(a), Lieutenant Governor in Council odaa zhaabosidoon gaa andawenjigaadeg anjisigan imaa gashkichigewin inaakonigeng egaa ozhibii'igan ji ayaad Anishinaabe gemaa anishinaabe ayaawin imaa ji izhising giishpin

- (a) Anishinaabe gemaa anishinaabe ayaawin gaa gii andawendang ji ayaaning imaa gaa inaakonigeng ji ayaad
 - (i) ji ozhibii'amowaad gaa niigaanagizod egaa e enendang iwe gaa izhi gagendeng anjijigewin gemaa
 - (ii) giishpin egaa miinad gaa niigaanaigizod gaa ozhibii'igaadeg anjijigewin imaa zhaangaso midina gii odisigoyan ozhibii'igan onji gaa niigaanagizod andawendang ji zaabosinik anjijigewin; zhigo
- (b) Lieutenant Governor in Council odizhiganawaabandaan iwe anjijigewin onji gakina awiya ji waabandang.

Anjijigewin izhi inaakonigewin

14(3) Lieutenant Governor in Council odaa anjisidoon inaakonigewin imaa onji subsection 12(1) ji mazanising iwe anjijigewin izhi gashkichigewin inaakonigan.

Nanaadok gegoon gashkichigewinan gaa abitamowaad

Inendamowinan izhi nanaadok gegoon gashkichigewinan gaa abitamowaad 15(1) Gaa niigaanagizod, onji ogimaawiwining, daa inendam ji wiidaakoomaad bezhig gemaa niibowa Anishinaabe' gemaa anishinaabe ayaawinan ji onisidood nanaadok

gegoon gashkchigewinan gaa abiiamowaad onji bezhigonong gashkchigewining inaakonigeng.

Odagiyag ji inendamowaad

15(2) Bakaan awiya gemaa godagiyag daa inendamooog imaa subsection (1).

Gaa inejindamowaad ingi nanaadok gooon gashkchigewinan gaa abiiamowaad

15(3) Nanaadok gooon gashkchigewin gaa abiiamowaad oadaa wiindamowaawaa' gemaa oadaa wiijiyaawaa' onji aki ji aabadak gaye naanaadok gashkchigewin gooonan imaa naanaadok gashkchigewin inaakonigan, gaa izhi inadegin ini ozhibii'iganan imaa inendamowinan subsection (1).

Gaa abiiamowaad awiyag daa inaakonigewag awiyag

15(4) giishpin inaakonigewin imaa ayaamagak nanaadok gooon gashkchigewin inaakonigan, inendamowin imaa subsection (1) daa izhise iwe nanaadok gooon gashkchigewin gaa abiiamowaad ji ayaawaad aanind gemaa gakina ji ganawaabandamowaad imaa onji gaa inaakonigewaad awiyag onji ji zhaabosenigin ini gooonan gaa ganawaabandamowaad.

Part 3

Weweni ganawenjigaade ayaawinan

Gaa gagiiginigaadegin ini weweni gaa ganawenjigaadegin ayaawinan

16(1) Lieutenant Governor in Council oadaa, onji inaakonigewin, ji inatood imaa gaa dazhiikigeng ogimaawi akiing imaa waabanong neke gashkchigewin inaakonigan izhi gaa ganawenjigaadeg ayaawin ji onji izhisek iwe aki ji weweni ganawenjigaadeg egaa gooon imaa ji anakijigaadeg gaye bakaan gooonan imaa ji doojigaadegin.

Inaakonigewinan onji gaa ganawenjigaadeg ayaawin

16(2) Lieutenant Governor in Council oadaa ozhittoonan inaakonigewinan

- (a) ji manaajijigaadeg gaa izhi ganawenjigaadeg, ji ganawaabanjigaadeg, gaa dibenjigaadeg gaye gaa gashkchigaadeg iwe aki gaye gooonan gaa onjii magakin akiing imaa gaa izhi ganawenjigaadegin ayaawining;
- (b) Ji inising, ji inaakonigaadeg, gemaa ji giboshkigaadeg egaa ji aabajichigaadeg, gooon ji doojigaadeg imaa, gemaa gooon imaa gaa ganawenjigaadeg ayaawining
- (c) Ji manaajijigaadegin gaa inising egaa ji aabajijigaadeg, gaa gibishkigaadegin gooonan, egaa ji ategin ge inising imaa ogimaawi akiing gemaa ogimaawining gaa ondinigaadegin gooonan akiing imaa gaa izhi ganawenjigaadeg ayaawining.
- (d) Ji manaajijigaadegin gaa inising egaa ji aabajijigaadeg, gaa gibisinging gooonan, egaa ji ategin ge inising imaa izhichigewining, gemaa aanind dinoo'ikaanan gemaa naanaadok izhichiganan, imaa gaa izhi ganawaabanjigaadeg ayaawining;
- (e) Ji manaajijigaadeg iwe gaa ganawenjigaadeg aki, nibi, gitigaanan, ayaawishag(awensiyag), asiniik anaaming gaa mikawindwaa, gaa izhi nitaawigikin gooonan, bagidamaawin zhigo initwaawin, odaanaag gaa gii bi izhisek, gaa

moonayamowaad gegoonan akiing onji imaa gaa izhi weweni ganawenjigaadeg ayaawin.

- (f) Ji manaajjigaadeg imaa weweni ganawenjigaadeg ayaawin zhigo gaa izhi bimi ayaang imaa ayaawining.

Inaakonigewin bezhigon ji bimisek daashkoo gashkichigewin inaakonigan

16(3) Giishpin iwe weweni gaa ganawenjigaadeg ayaawin dagwiimagak aki imaa gaa izhi inaakonigeng ayaawining, bigo gegoon inaakonigewin imaa subsection (2) inising aki imaa gaa izhi inaakonigeng ayaawining bigo bezhigon ji izhi bimisek daashkoo

(a) iwe gashkichigewin inaakonigan imaa onji gaa inaakonigeng ayaawining; zhigo

(b) bigo gegoon andawenjigewin inaakonigan imaa subsection 5(1) gemaa 12(1)

Gaa gagiiginigaadeg

16(4) gaa inaakonigaadeg gaa gagiiginigaadeg aki imaa weweni gaaganawenjigaadeg ayaawining daa inisin imaa gaa gagiiginigaadeg e izhisek ako e inagizod giizis gemaa ako wii izhisek gegoon.

Gakina awiya ji noondang

17(1) Ganage zhaangaso midina giizhiganoon jibwaa aki gii gagiiginigaadeg izhi weweni ganawenjigaadeg, gaa niigaanagizod ji atood iwe gakina awiya ji noondang

(a) gaa izhi inising imaa gaa onji andawenjigaadeg iwe weweni ganawaabanjigaadeg ayaawin; zhigo

(b) iwe naabibii'igan onji gaa andawenjigaadeg inaakonigewin imaa subsection 16(2) izhi manaajjigaadeg iwe gaa andawenjigaadeg weweni ganawenjigan ayaawin ji ateg ji waabanjigaadeg imaa gakina awiya ozhibii'iganing.

Ozhibii'iganan

17(2) Ngoji ngodwaaso midina giizhigoon ishkwaaw wiinjigaadeg iwe noonjigan imaa subsection(1), bigo awiya odaa ozhibii'amowaan gaa niiganagizonid e manaadendang iwe weweni ganawenjigan ayaawin gemaa iwe gaa andawenjigaadeg inaakonigewin imaa ayaawining.

Andawenjigaadeg ji nakwetaagok

17(3) Jibwaa ayaamagak ayaawin ji gagiiginigaadeg izhi weweni ganawenjigan ayaawin, gaa niigaanagizod ji

(a) dawinamowaad Anishinaabe' zhigo anishinaabe ayaawinan gaa aabajitoonid odakiini imaa gaa izhi gagwedeng iwe weweni ganawenjigan ayaawin ji anakwetamowaad gaye ji

dazhindamowaad iwe gaa izhi gagwedeng iwe weweni ji ganawenjigaadeg ayaawin gemaa iwe gaa gagwedeng inaakonigewin imaa gaa wii izhi dazhiikikeng ayaawining.

(b) ji dawinamowaad ini gaa aabajitoonid ogimaawi aki zhigo ogimaawin gegoonan gaa onjisegin akiing imaa gaa andawenjigaadeg iwe weweni ji ganawenjigaadeg ayaawin ji anakwetamnowaad gaye ji dazhindamowaad gaa izhi gagwedeng iwe weweni ji ganawenjigaadeg ayaawin gemaa iwe gaa gagwedeng inaakonigewin imaa gaa wii izhi dazhiikikeng ayaawining.

Noojigewin zhigo ji nakwetaagok iwe anjijigewinan

17(4) Owe nake gaa inising, gaa anjijigaadegin, imaa onji anjijigewining izhi inaakonigewinig imaa section 16.

Part 4 Godagiyani izhichiganan

Gakina awiya ozhibii'igewining

18 Gaa niiganagizod ji ganawendang gakina awiya ozhibii'igweining, magizhaa daa ganwenjigaade maagobijiganing, ji atek

(a) ji naabibii'igaadeg iwe gaa andawenjigaadeg gashkichigewin inaakonigan gemaa gaa andawenjigaadeg anjijigewin onji gashkichigewin inaakonigan;

(b) ji naabibii'igaadeg iwe gaa andawenjigaadeg inaakonigewin imaa subsection 5(1), 12(1) gemaa 16(2); zhigo

(c) bakaan gegoon ikidowin Gaa niiganagizod gaa izhi andawendang

Gaa mizhiwong gaa onji ayaamagak onashowewining

19(1) Onashowewin imaa subsection 5(1), 12(1), gemaa 16(2) daa inate imaa biigonan ini izhichigewinan imaa inaakonigewining e izhising e biigonang onashowewin imaa inaakonigewining

Diba'igewinan

19(2) Awiya biigonan iwe ozhibii'igan imaa inaakonigewining e mizhiwod zhigo e mizhiwod ji inakonind

(a) awe awiya ji daba'iged minigok naanigodwaak waabik gemaa ji gibawond minik niizho giizisoog, gemaa e zhi niizhigin iniwen; zhigo

(b) iwe anokiwigamig, ji diba'iged minki niishtana zhi naanigodwaa waabik.

Ogimaawiwin

20 Owe inashowewin onjise ogimaawining

Application of Inaakoniganan

21 giishpin inaakonigewin imaa subsection 5(1), 12(1) gemaa 16(2) dazhiikang godak gegoon gemaa dazhiikang godak inaakonigan, iwe inaakonigewin imaa inaakonigewining amii bezhigon ezhising daashkoo iwe godak inaakonigan.

Existing rights not affected

22 Inaakonigewin imaa subsection 5(1), 12(1) gemaa 16(2) gaawin ji izhisek iwe gaa izhi ganawaabamind awiya imaa inaakonigewining jibwaa izhisek iwe inaakonigewin

(a) ji ayaayan gemaa ji aabajitooyan iwe ogimaawi aki gemaa ogimaawiwin gegoonan imaa gaa odosegin akiing gemaa gaa iwe weweni gaa ganawenjigaadeg ayaawin gemaa

(b) ji atooyang imaa gegoon inaakonige ayaawiwing gemaa weweni ganawejigewin ayaawin; dago izhichigewin onji inashowewining, gaa aabadak gemaa inaakonige mazina'igan.

Inaakonigan gaa inatek ayaamagan onji gakina awiya

23(1) gaa niigaanagizod ji doodang

(a) ji ayaamak baabezhiig gashkichigewin inaakonigan onji gakina awiya; zhigo

(b) ji ayaad naabibii'iganan onji gashkichigewin inaakonigan gemaa aanind ini inaakoniganan giishin andawenjaadegin, baangii ji inagidegin.

Gaa niigaanagizod ji anjinang inaakonigan

23(2) gaa niigaanagizod ji dagonang iwe gaa aanjising anjijigewin imaa gashkichigewin inaakonigewining izhi gashkichigewin inaakonigan

Inaakonigewinan

24 Lieutenant Governor in Council odaa ozhitoonan inaakonigewinan

(a) andawenjigewin imaa ayaawining waabanong nake gichi zaaga'iganing izhi waabanong nake gashkichigewin ayaawining;

(b) ji manaajitood ini imaa gaa andawenjigaadeg ji inaakonigen ayaawinan, gaye inaakonigewinan ji manaajitood ikidowin gaye ozhibii'igan ji izhisek gaa andawenjigaadek

(d) ji biminizha'ang iwe gakina awiya ji noondang imaa gaa izhi wiindek inaakonigewining ji miigiweng

(e) ji manaajiyaad ini gaa inaakonigenid awiya

(f) ji maanaajitood ini gaa gashkichigewinan inaakoniganan

(g) ji manaajitood ini gaa andawenjigaadegin ji aanjijigaadegin gashkichigewinan inaakonigen gaa izhisegin imaa

(h) ji manaajiyaad ini Lieutenant Governor in Council giishpin inendamonid ji zhaabosenik iwe Inaakonigewin

application inaakonigewin

25(1) Iwe inaakonigewin imaa inaakonigewining daa gakina inisewan in inaakonigewing ayaawing gemaa weweni gaa ganawenjigaadegin ayaawinan, gemaa aanind ini gemaa aanind eta ini

Gaa aabajijigaadegin aki mazina'iganan

25(2) aki gaa andawenjigaadek gemaa gaa gagiiginigaadeg onji inaakonigewing imaa inaakoniganing wiijigaadewan giishin e izhisigin gemaa giishin e mazinising imaa aki mazina'iganing gemaa gaa gii inising imaa inaakonigewining

C.C.S.M. reference

26 Owe inaakonigewin daa gii aabajigaadeg imaa chapter E3 of the Continuing Consolidation of the Statues of Maanitooba

Ji izhisek

27 Owe inaakonigewin ji zhoobisek apii gagosek imaa Gichi ogimaakwewining

The Queen's Printer for the Province of Manitoba